



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Septiceps Lvthervs, Vbique Sibi, Svis Scriptis contrarius,
in visitationem Saxoniam**

Cochlaeus, Johannes

Parisiis, 1564

De Confeßione secreta, cap. 30.

urn:nbn:de:hbz:466:1-35803

DE CONFESSIONE SECRETA.

dinem aut statum aliquem, is debet Diabolo addictus esse, plus quam alius. Hoc tam sæpe (inquit) prædicauimus & inculcauimus, ut quilibet bene scire queat, & ex hoc concludere sciat, quod omnia opera nostra, quæ ideo intenduntur, ad agendam pœnitentiam pro peccatis, atque ad effugiendam mortem, ea omnia blasphema sint, quæ blasphemant Deum, & vituperant sacrificium, quod Christus peregit, eiusque sanguinem, quãdoquidem per ea id efficere volunt, quod solus Christi sanguis efficiat necesse est. Hæc ibi. Et in hunc modum toto fere decennio prædicauit & scripsit: Nunc tandem sero vertit folium, requirens iam pœnitentiam, bona opera, & timorem irati Dei. Sed sero sapiunt Phryges, & tardi venere subulci. Nisi ergo reuocet apertius omnia, agatque & ipse pœnitentiam, nihil proficiet in populo decepto.

De Confessione secreta.

CAPVT XXX.

DEus bone, quot & quanta per decennium ludibria ex peccatorum confessione fecit. Nam mox à principio, in iis quoque libris, in quibus maximè Catholicus adhuc esse volebat, secretam illam Confessionem statim labefecit, relaxans populo nunc præceptum confitendi, nunc modum, nunc sacerdotem. O quoties obiecerunt mihi eius discipuli illud Iaco-

*De X. præcept. in fine.
In Resolutione conclusi-
onis. 26.*

bi: Confitemini alterutrum peccata vestra. Et *Iaco. 9.*
 illud Psalmistæ, Dixi, cōfitebor aduersum me *Psal. 36.*
 iniustitiam meam domino. Quanta illusione
 risūque inimico rogauerunt, num alterutrum
 significet sacerdotem? Et quid aliud effecit
 impio & seditioso libro suo de Confessione,
 quem ante annos septem, scripsit ad bellige-
 rantem eo tempore Franciscum de Secking,
 nisi q̄ omne confitendi iugum à laicis abstu-
 lit? Sic enim ait inter alia multa, fidele (inquit)
 consilium meum est, vt homo Christianus, tē- *De confess.*
 pore Quadragesimæ & Paschatos non confi- *parte. 3. 9.*
 teatur, nec ad Sacramentum accedat. Et cogi- *14.*
 tet ita, Ecce, quādo hoc præcepit homo, Papa
 scilicet, ob id ipsum non faciam, & si non præ-
 cepisset, vellem facere. Faciā autem alio tem-
 pore, quo non præcepit, quando & quomodo
 mea libera voluntas & deuotio me tetigerit.
 Hæc ibi. Nunc autem, vt timore tui, populum
 à seditiosa ista libertate reuocet, scribit in Vi- *In li. V. 18.*
 sitatione sua, q̄ nemo debeat admitti ad san-
 ctum Sacramentum, nisi prius à Pastore suo
 sit specialiter examinatus, an dispositus sit ad
 Sacramentum. Quousque igitur (Illustrissime
 Princeps) permittis hunc futilem quidem &
 inconstantem, sed pestilentissimum ac sediti-
 osissimum Pseudoprophetam, simplici popu-
 lo, illudere, & per nasum (quod aiunt) circūdu-
 cere in omnem errorem & licentiam? Quanto
 satius ac sanctius esset, præcepto Ecclesiæ,
 iuxta verba Christi, fideliter ac stabiliter ob- *Matth. 23.*

*In lib. 3. cō-
tra Zuingl.
& Oecolam-
padium.*

temperare, quàm sic per contraria huius Pro-
tei dogmata, consilia & præcepta, fluctuare,
totùmque populum (ipsomet fatente) in fi-
de dubium fieri?

De Satisfactione pro peccatis.

CAP. XXXI.

*In Resolu-
tionibus.*

*In assertio-
ne art. 6.*

Q Vanquam non ignoret Lutherus, & se-
ipsum aliquoties, & antiquissimos quos-
que autores, multa de satisfactione pro pec-
catis scripsisse, Martyres item plurimos & Ro-
manos Pontifices & vetustissima Concilia mo-
dum pœnitendi & satisfaciendi pro peccatis
in triennali, quinquennali, decennali, &c.
pœnitentiã statuisse, eúmque satisfactionis ri-
gorem vltra mille annos in Ecclesia perduras-
se. Ipse tamen furiosa improbitate & infania
peruicacia nunc aliquot annis contendit, ni-
hil esse opera satisfactoria, Christum pro om-
nibus peccatis nostris satisfecisse, non requiri
à nobis, nisi fidem solam, quamquam in visita-
tione nũc ei contritionem superaddit: De qua
tamen ante sic pronunciauit, non semel Con-
tritio, quæ paratur per discussionẽ, collectio-
nem & detestationẽ peccatorũ, qua quis reco-
gitat annos suos in amaritudine animæ suę, pō-
derando peccatorum grauitatẽ, multitudinẽ,
fœditatem, amissionẽ æternæ beatitudinis, &
acquisitionẽ æternę damnationis, hæc (inquit)